

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: KZ 11/17-P

Sarajevo, 03. 07. 2017 godine

Na osnovu člana 69. stav 2. tačka e) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 11/17-P od 21.06.2017. godine, u postupku javne nabavke br. KZ 11/17-P „Boje, lakovi, razređivači, premazi i ljepila, sredstva za bojenje metala i betonskih površina“. donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj KZ 11/17-P za nabavku roba : „Boje, lakovi, razređivači, premazi i ljepila, sredstva za bojenje metala i betonskih površina“ iz razloga što su cijene svih prihvatljivih ponuda znatno veće od osiguranih sredstava za predmetnu nabavku a sve u skladu sa odredbama člana 69. stav 2. tačka e) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 11/17-P od 18.05.2017.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 26.000,00 KM.

Obavještenje o nabavci broj: 247-7-1-64-3-110/17 poslato je na objavljivanje na Portal javnih nabavki dana 18.05.2017.godine.

Komisija za javnu nabavku imenovana je Rješenjem br. 293/16 od 03.11.2016.g., i dopunskim Rješenjem članova komisije broj KZ 11/17-P-1 od 18.05.2017.g.

Komisija za javnu nabavku dostavila je dana 27.06.2017.g. Preporuku o poništenju postupka javne nabavke roba : „Boje, lakovi, razređivači, premazi i ljepila, sredstva za bojenje metala i betonskih površina“ – tender broj KZ 11/17-P.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 2 (dvije) ponude – "Penny Plus" d.o.o. Sarajevo; „Inter-Com“ d.o.o. Zenica i „Marker“ d.o.o. Zenica
- Da su blagovremeno zaprimljene: 2 (dvije) ponude – "Penny Plus" d.o.o. Sarajevo; „Inter-Com“ d.o.o. Zenica i „Marker“ d.o.o. Zenica
- Da nije bilo neblagovremeno zaprimljenih ponuda
- Da dostavljena ponuda ponuđača "Penny Plus" d.o.o. Sarajevo ne ispunjava zahtijevane tenderske uslove prema obliku u smislu pripreme ponude, a koji su definisani u tački 17.1 tenderske dokumentacije „Priprema ponude“ gdje je jasno navedeno sljedeće: „Ponuda se čvrsto uvezuje na način da se onemogućí naknadno vađenje ili umetanje listova osim garantnih dokumenata. Ako je ponuda izrađena u dva ili više dijelova, svaki dio se čvrsto uvezuje na način da se onemogućí nadnadno vađenje ili umetanje listova. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista u skladu sa članom 8. stav (6) i (7) Uputstva za pripremu modela TD i ponude.

Listovi ponude se označavaju brojem na način da je vidljiv redni broj lista. Kada je ponuda izrađena od više dijelova, listovi se označavaju na način da svaki sljedeći dio započinje rednim brojem kojim se nastavlja redni broj lista kojim završava prethodni dio. Garancija kao dio ponude se ne numeríše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numeríšu dodatno.

Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.“

Ponuđač je u skladu sa tačkom 17.1 tenderske dokumentacije bio obavezan čvrsto uvezati u cjelinu ponude na način da se onemogućí naknadno vađenje ili umetanje listova ponude i listove na kojima su prikazane slike roba po pozicijama iz tehničke specifikacije, te ih i numerisati, a što nije učinjeno.

Shodno navedenom utvrđeno je da dostavljena ponuda ponuđača „Penny Plus“ d.o.o. Sarajevo nije uvezana i numerisana, a što je zahtijevano tenderskom dokumentacijom.

Iz navedenog razloga konstatovano je da ponuda ponuđača „Penny Plus“ d.o.o. Sarajevo ne ispunjava zahtijevane tenderske uslove prema obliku ponude (uvezivanje u čvrsti uvez i numeracija), te se kao takva odbacuje i nije predmet daljeg razmatranja.

- Da dostavljene ponude ponuđača „Inter-Com“ d.o.o. Zenica i „Marker“ d.o.o. Zenica, ispunjavaju zahtijevane TD uslove prema obliku i potpunosti u smislu pripreme ponuda.
- Pregledom ponude ponuđača „Marker“ d.o.o. Zenica, konstatovano je da je isti u sklopu svoje ponude dostavio sljedeći dokument : „Izjavu proizvođača kojom izjavljuje da traženi proizvodi „drvene ljestve“ ispunjavaju zahtjeve tržišta Europske Unije“, te time nije postupio u skladu sa tačkom 14.2. (pod b.) tenderske dokumentacije „Tehnička i profesionalna

sposobnost“ u okviru koje je jasno zahtjevano da je potrebno dostaviti dokument : „Original ili ovjerena fotokopija (ovjerena od strane nadležnog organa ili notara) Atesta o izdržljivosti za lotre molerske, a odnosi se na pozicije 97, 98 i 99 tehničke specifikacije. Ukoliko atest bude na jednom od stranih jezika isti treba da bude preveden na jedan od službenih jezika BiH i ovjeren od strane sudskog tumača“.

- Obzirom na navedeno, utvrđeno je da ponuđač „Marker“ d.o.o. Zenica nije dostavio zahtijevani dokument i time nije ispunio zahtjeve ugovornog organa tražene tenderskom dokumentacijom, zbog čega se ponuda ovog ponuđača smatra neprihvatljivom i ista se odbacuje, te nije predmet daljeg razmatranja.

- Da ponuda ponuđača „Inter-Com“ d.o.o. Zenica ispunjava kvalifikacione uslove obzirom na iskazane zahtjeve ugovornog organa u tenderskoj dokumentaciji.

- Pregledom ponude ponuđača „Inter-Com“ d.o.o. Sarajevo, od strane stručnih lica za predmetnu nabavku je konstatovano da je ponuđač „Inter-Com“ d.o.o. Sarajevo ispunio zahtjeve u pogledu opisa predmeta nabavke i tehničke specifikacije.

- Daljim pregledom ponude ponuđača „Inter-Com“ d.o.o. Zenica konstatovano je da ponuda premašuje procjenjenu vrijednost koja za predmetnu nabavku iznosi 26.000,00 KM, a ponuda ponuđača iznosi **26.367,90 KM.**

- Nadalje, u postupku predmetne nabavke utvrđeno je da je cijena prihvatljive ponude ponuđača „Inter-Com“ d.o.o. Zenica znatno veća od osiguranih sredstava za predmetnu nabavku, čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka e) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

-Ponuđačima

-a/a



Direktor

Nezir Hadžić, Magistar uprave

Handwritten initials in blue ink, possibly 'JH' or similar, located on the left margin of the page.